


NDJEA YE DIBAE



GHEZEVŶYI GHE ZHA NDJEA NE.

Na ze pendaka gho kea na gho tuungu e za meḡna ewe, o panga te e evoa monḡḡo, ango ye a gho teva ndjea ne. Ivo o pende ye, o za nga kea motoo a ghepimbitsha. Oko o eni mbe o bomio ndjea ne, o yavogha e nika o vi wagneda enangeghea-e ea gho ndjea ne ea mozoba.

Igna wetsho gho mḡḡo-e wa azo na agno gho tshenge nee, to ndeke gho kea motoo gho ndjea ne ea mobo na mobo, na gho ghetungu ghe za vi ba na ekodeo, na ghe za ba ze e vengouu va nga to buuea wango. No za bomu gho kea agne-a?

MONḡḡO-E WA AZO.

Mabaka, gho etḡḡo-e ea edi na gheendja ghe za edi, a ma to etsha monḡḡo, moboto-e a matendḡ me ma edi, o to teva ti na ḡḡ ḡḡ ndjea ne e kea na gho oba. Mbex ye di ndeke gho moghanda-e odoo di mah bḡḡu te gho moboto-e one. “Oghi-e wa azo o ndeke ye kḡa ea viyo e tombeda va yeta mee, na ghevede ghe ghe taana gho ndjea ne ea ami.” (Mimbo Okabo 119:105).

NDJEA NE E POONI

Ghonde pingo ya ḡma gho ndjea ne ene. “Ombaa-e o ndeke na pokipoki, ndjea ne e ndeke na

vεεvεε ene e tshuana na gho matschongododo, gho ma bokko ngomba ne ghengaza ghe, ayeku ah engea te gho yango.” (Matthieu 7:13).

Okabo o yeka o ndeke te gheemamizo, ah za bangoa mbe ah kea te gho ndjea ne e tshuana na gho ebungana, gho dipoe ndeo, ah za ba te na mokebangano. “Ghonde mooma, a ena te mbe ene ndjea e ndeke ti na dedeke, ivo ndjea ne ene, e kuza na voghozo te gho ndjea ne ea owa.” (Koogho 14:12). “Ndjambe ne ea ndeo ye edi, (Kee ndjambe) a ma ema eodo-e ea azi eghoba-e ea kaka ene.” (2 Kodinthiens 4:4).

MIKOO MIε

Ɔoma-e ah kea gho ndjea ne ene ah diteo te na mabe me. “Gho ebegho mbe Ɔoma-e muetsho ah enda mabegho mabevani, na ah ndeke ah mah aghana na Kumu na zemba na ondoba-e wa edi.” (Domains 3:23). To za ba na ngudi ya e zomeda te na ebe eva va mbene ea Kumu na zemba. “Mooma a bono te ene e ena ango, ghe Kumu na zemba a bono ye motema-e.” (1 Zamuede 16:7). Mikoo mie mi mah bindoou ye gho mikongoo mie mia ao. Ti gho ngudi ya weε na agnoene, to za ba to za nga ongoa e notoa te na ebe eva. Wεεε ne te keagha ne, mikoo mie mi dita te na evoo. Na “Movano-e o etsha ebeva-e ghonde mooma te owa-e.” (Domains 6:23).

MOKADIKADI-ε

Mokadikadi-ε o ma viako va okado-ε, ene te motshundu-ε a Kumu na zemba. “E ma zimbo te mbe Ɔoma-e ah wa te eta epo, va gheza ea owa-ε te motshundu-ε.” (Hebede 9:27). “Na ma ena te ghengaa ghe za kuanga ea vembu, na one a ndeke dighaa va yango. Tshina ne na oba-ε ah mah kondangana ah kea ah mo buzugha, te ahngo ghe nikee e enano do. Te mee enagha miweyi mie, payi ye na anenge-ε, ah mah baka va mbene ea kuanga ne. Miboto mie mia matendoo me te kukuu; wene moboto te kukuu, one a mooono. Miweyi mie te tshundedu, mooma na mooma gho mane ma mah endaka ango, nguu ne ea mane ma mah baka ma mah tendu gho miboto mie mine. Muubu-ε o ma ogha miweyi mie mi mah baka ghonde ango. Owa-ε na tshenge ne ea miweyi mie, te ahngo vuagha dota miweyi mie mi mah kenaka ahngo. One a zi dengano ina-ε ea edi e ma tendu gho moghanda-ε a mooono, a ma ghugnu na gho muungu a zooto.” (Ghetshutshugheo 20:11,12,15).

ZOOTO GHE

Ndjambe a ma zongoo gha ma zongoo obandja, na a zi pembe te na pezu. Te ebando ebe-ε e zizedu. Matendoo me ma Ndjambe mah to benda mbe gho ndeke muungu a zooto, tungu ne ea kooono ya mobo na mobo di vevu ane ah za ghobeda Ndjambe. E ma tendu gho mototo-ε a matendoo ma Kumu na zemba mbe: “Abevi-ε ah bengaa te na gho matschongododo, gho mboka ne ea miweyi mie, mizenge mie mietcho mi ebaa Kumu na zemba.” (Miimbo 9:18). Kaka mbe te ane ah oti e bevani atevo, ah nga tshigha na va tuungu ne ene, tu-ngu ne ene e ma tshikeo dota te na ghonde na ane ah ebaa Kumu na zemba.

Ivo Ndjambe a ndeke Ndjambe ea etondo, “Kaka mbe a zinga mbe gho bungana te na movo, ivo a gnongeo mbe muetsho ah kooa mooono-ε wa ao.” (2 Piede 3:9). Gho ghenegha ghe za edi na etondo-ε ea edi e ma oteani, a ma mana e tuba ndjea ne e ghongu muungu-ε a zooto. Ndjea ne ene e ma tubu te ghonde Ɔoma-ε muetsho ah gnongeo a kea gho yango. O gnongeo e tshutshua ndjea ne ea mooono-ε-a?

NDJEA NE EA MOONO-ε: MOBOYOI NE.

Gho za ba weε na agno na mivono mia e obugha gho mabe me ma azo na agno, na panda ye di to enedu na mahngo, Kumu na zemba, teta ne a ma to kondjea gheobogheo ghe za azo na agno; a ma kudegha na gho tshenge ne muana-ε a edi a Ekika, Kumu Zezu Kiditi. “Megnani mbe Mabaka a ma gnongeo Ɔoma muetsho peepe. A ma etsha Muana-ε a edi a Ekika, ghombe one a etsha motema-ε a edi wetsho na ghonde ango ghe be na pagha, a za nga wa, ivo a ndeke na mooono a mobo na mobo.” (Za 3:16). Mobyoi ne one a ma koomba te gha mooma, ivo a zi pembe te na gho ebegho eva. Cho mboka gho mboka, a ma kiaka a enda mamizoba, a dongeda abeyi-ε, a zaghoa ane ah mah beaka mabea mah gheegha, a patsha edidi-ε e bevani, a zingea ane ah mah kooonakani kooono ye, a ekeda ghevia ghe na a tshandjabaneda tshango ne ea mozoba ene ea okumu-ε a Ndjambe.

Ivo ti ene ea edi ea kii e ma kooqhaka ango mooma, te buta mbe a wa gha mbe taba ea ghe dutshi ghonde wee na agno muetsho. A ma etsha mooqno-e wa edi a gho o Ndjambe-e na o za bevani, te ti ango dendeda na ndjina ye ya edi ya paka na mikuma ghoe vana motete-e a mabe mabe me ma azo na agno. A ma tshika na ooma a obaghaa ah mah mo ghozoa nguu na va ma ooba mokoongno-e wa edi o ka na ndjobe na ndjina ye ya edi di mah kuza gho pota ye. Ah mah mo ateda ghepokodo za tshende va ozo-e wa edi, na ah mah zumea tubagha mooqho me na makodo me ma edi ghoe mo komeda na tshae va ghezumu za owa. Vane te va ma ena ango egnooni-e, na te ango wakagha ghonde ewe na ghonde mee. "Ango amuene a ma tshua mabe me ma azo na agno gho ooto-e wa edi va peende..." (1 Piende 2:24).

GHEKUNDUGHEO GHE ZA EDI

A ma mana piitshi ditato gho ngii, Zezu kiditi a ma kundugha va kaba ea ana-e ah mah wani. A ma nanga na a ma nigoana na aandi-e wa edi ghoe okano na ango gho ndjima dinayi ya piitshi, na te gha ma bata ango na gho oba, ghonde ango dighaa gho gheyo ghemoghoo za Ndjambe. A ndeke mooboyi, a ndeke mooqno, a "ma etsho otomu-e gho oba n va tshina." (Mat. 28:18). "Te gho ene dota e ndeke ango na ngudi ya e obo ghe zake ane a wezea na va nde Ndjambe gho nde ango, a nde moghemoghe mooqno ghoe to zungea-e." (Hebede 7:25).

OBA-E

Oba-e te tuungu ne e baka Ndjambe gho okumaka wetsho a-edi. Kumu Zezu a ma benda mbe "Na kea ghoe no kondjea ghetuungu. Va nga kea mee, na va nga mana mee e no kondjea ghetuungu ghe, na nga nika e vigha, ghoe no bongobuta mbe tuungu ne e nga ba mee, agne dota no ba te va yango." (Jean 14:2-3).

Ghe ndeke ghetuungu za mozoba, va vi "koba Ndjambe keeba ye yetsho ya gho mizo me ma ao, na owa-e o za nga ba do, na gho za vi ba do pengobute na keeba, te na mindonga, te na pievia, gho ebegho mbe yoma-e ea mapanga e mah dimbana." (Ghetshutshugheo. 21:4). "Gho za vi ba do evitshi na ah za nga ba do ta na tshove ea gheangea za dambi, voo, ghevede za kombe ne, gho ebegho mbe kumu Ndjambe a nga tshandjabaneda na ghonde ahngo ghevede ghe za edi, na ah vi kumaka do te mobo na mobo." (Ghetshutshugheo. 22:5).

Ghe ndeke ghetungu ghe ma ghogheani. "Gho za nga engea zoma ghe ma bevani, voo mooma a gnongeo te e dugheda mabegho ma bevani na oboo-e; gho nga engea te ane ah mah tendu mina me ma ao gho moghanda-e a mooqno a kumu Zezu." (Ghetshutshugheo. 21:27).

Ivo ndjea ne e ndeke te epo na koo ghoe tshigha na gho oba. Kumu Zezu a ma enda mbe: "Mee te ndjea ne, ene ea piie, na mooqno-e. Gho za ba mooma a nga buea na ghonde teta ghe ote vande mee." (Za 14:6). "Gho za ba gheobogheo ghonde muene gho ebegho mbe gho za ba ene ina e ma etsho va kaba ea ooma-e gho ghengima za eango e ndeke na ngudi ya e oboooni." (Mayandja 4:12).

GHO ENDOKO NA YE GHOE TSHIGHEDA NA GHO NDJEA NE EA GHO OBA?

1. "Kooqhani, na bakani na motenda gho tshango ne ea mozoba." (Madike 1:15). Ekooqha-e e kegha mbe: "Veagha mabe ngima ghoe ghengogha na ghonde Ndjambe na motema-e wetsho."
2. Wezea na ghonde Kumu Zezu gho ozambo-e, ti mookongoo o ndeke agne na moko-e a mabe, na ghoe mo evoa mbe a no zingea kookoo. A ma voo mbe: "Tsha nga kuzeda one a vigha na ghonde mee, agne muetsho no ghoghini na no diteoni, na nga no etsha ghevoghimeo." (Mat. 11:28).
3. Gho gheobogheo ghe za agno, no ba te na ghevambi na kiditi: "Ndjina ye ya Zezu muana-e a edi te di to ghogheda mabe me." (1 Za 1:7).
4. A nga no etsha mooqno a mandja... mooqno-e a mobo na mobo. Kiditi a ma enda mbe: "One a oko ndongi ye ya ami, na a ndeke na motendeda ghonde one a ma kudegha mee, a ndeke na mooqno a ghekodee na a za nga tshigha gho motshundu, Ivo a notoghi gho owa-e ghoe yogha na gho mooqno-e" (Za 5:24). "Oko mooma a ndeke ghonde Kiditi, a ndeke ti ovango a mandja. Mane ma mbeegho mah oti; te, gha kooqhi mabegho me metsho maka ma mandja." (2 Kooqthien 5:17).
5. No nga ba na ghetabe ghe ghe be na kebakaba na (mitema mie va ghedigha) "gho ma tomana e zungeo gho motendeda-e, to ndeke gho ghetabe na Ndjambe gho ghengima za Kumu Zezu Kiditi." (Domain. 5:1).

“Ombandja-ε one te angu, Ndjambe a ma to etsha mōōgnō-ε a mobo na mobo, mōōgnō-ε one o ndeke gho ndeke muana-ε wa edi. One a ndeke na Muana-ε, a ndeke na mōōgnō a mobo na mobo, ghe one a za ba na Muana-ε a Ndjambe, a za ba na mōōgnō. Na ma no tēndēa mabegho mē ema, buta mbē no mēgna mbē no ndeke na mōōgnō a moghunandja.” (1 Za 5:11-13).

MODIGHEDI-ε A Mōōgnō-ε A MANDJA.

1. Tangakani matēndēō mē igna wētshō. Matēndēō mē mah ndeke te ghevēdē ghe za ndjea nē ea azo na agno, na moyako-ε a moanga-ε wa azo na agno. “Bakani na tshove epooni, gha mbē aana a botio na tshatsheē, a aa obuba-ε a mēmba a oghi-ε a Ndjambe, o nga no ongoghedani gho gheōōoghēō ghe.” (1 Piēdē. 2:2). Oko no mah tangona matēndēō mē, evoa ni Ndjambe buta mbē a no ōngōēda na dota mbē a no ekēda gho ngudi ya ghedidi ghe za edi ghe ma tshimamani.
2. Bambazakani na Ndjambe gho ozambo igna wētshō, no zambēdaka gho ina ea Zezu. “No na kēbangana: Ivo gho mabegho mētshō mēgnēdani Ndjambe manē mah gnongeo agnē, na dizambo, na dighōndōku, na mikoondo. Na ghetabē ghe za Ndjambe ghe otea eōō-ε, ghe nga kēnēa mitema miē na mataza mē mah agno ghonde Zezu Kiditi.” (Phidemōn 4:6-7).
3. Mēgnēdani akagno Kiditi: “Kēa na gho ēba a-ōō, ghonde gheombē ghe za aōō, o ke nighoa akōō mētshō mah endio ewē na Kumu Zezu, na monōngō o ma gho ēna angu ngēba.” (Madike 5:19).
4. Gho ndeo nē e bembu agnē, bakezani te Kumu: “Gho ma tshōōghō angu amuēnē na gho ma bembu angu, a ndeke na ngudi ya e wēdēa anē ah bembuni.” (Heb. 2:18).
5. Oko no endi ebe, no yavogha e tuba eango va nde Ndjambe. “Oko to tubi mabē mē ma azo na agno, a ndeke nguu ghoe to zingēa kōōkōō.” (1 Za. 1:9).
6. Kaneghani e wagnanēa na avō ah ndeke na motēndēda: “O ēni motoma-ε wa ami: Gnonganeoni agnēnē na agnēnē, gha ma no gnongeo mēē.” (Za 15:12).
7. No ghōōēdaka te Ndjambe: “Oko mooma a gnongeyio mēē, a nga kēnēa oghi-ε wa ami.” (Za 14:23).
8. No na kēbangana, gho ebegho mbē Kiditi a ndeke na agnē. “Ndjambe amuēnē te a ma endā mbē: tsha nga gho ndjēghēda, na tsha nga gho tshika.” (Hēb. 13:5).
9. Tshikeani Kumu Zezu Kiditi koo. Tshikani angu a toma mōōgnō-ε wa agno gha teka angu. Buta mbē no diia ēēgnēē ea piie.



Le livre du “Coeur de l’homme” peut être obtenu en plus de 500 langues et dialectes parlés dans le monde entier, à savoir: Afrique, Amérique, Asie, Extrême Orient, Europe.

Nous vous invitons à nous contacter pour faire des arrangements concernant de nouvelles traductions de notre littérature nous informant de la langue dans laquelle vous pouvez traduire cette littérature évangélique. Votre aide sera beaucoup appréciée.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

EMAIL: info@angp.co.za

ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)
(Reg. No. 1961/001798/08)